

BIGGY BOY A BAY CU TUR DOS CORONA DEN HUBENILNAN

Kid Dynamite Jr y Mighty Nennon a gana coronanan infantil di Roadmarch y Calypso

ORANJESTAD(AAN)--- Amantenan di calypso y roadmarch di nos muchanan a goza di un concurso ayera anochi di un nivel haltu y cu tur e cantantenan sobresaliendo.

Ayera anochi tanto den infantilnan como den hubenilnan por a scucha e hobennan cantando, manteniendo tono y sin cay den falsedad, locual sa haya hopi di esnan principiante y hasta esnan cu poco mas experiencia, ora di sigui e musica y tononan.

Ayera anochi por a scucha cantantenan cu a articulo, canta cu tur claridad di tono y palabranan y riba tur cos cu un variedad den ritmonan.

Den pasado hopi di e roadmarchnan tabata tin casi e mes acompañaemento, pero e aña aki The New Climax a duna e hobennan locual nan a merece sigur pa nan esfuerzonan. E calypsonan a resona hopi bon y The new Climax a muestra su progreso musical tambe.

Sigur ta cu no por papia e aña

aki di e mes ritmo tras di otro, e mes acompañaemento pasobra esaki sigur no tabata e caso. Den infantilnan tanto Kid Dynamite Fakir Boekhoudt como Queen Cutie, Alascca Brown a merece e corona, pero finalmente puntuacion di huradorian a bay pa Fakir.

Den e roadmarchnan e competencia tabata fuerte y no por keda sin elogia Jake Orfao pa su presentacion como Mighty Jake, Franksjen Vos, Queen Harmony, Celiandra Jacobs, Queen Francine, cu tabata fuerte cu su Zoja Pali coco, zoje, Italee Brown, Jamming Princess cu A jamming tonight, Mighty Jordan, Jordan Ilario cu Carnival Ghost cu tambe tabata bon, Kiziah Trimon, Princess Kiziah cu a presenta hopi bon tambe y Tyrique Philips, little Menace cu a sorprende.

Kid Dynamite, Fakir Boekhoudt a termina como rey di calypso cu su "Holoo SAC" y na di dos lugar den roadmarch cu "Jump and take a

wine". Shawn Gorden, Mighty Pester a termina na di 3 lugar di roadmarch cu "Sac Birthday Party" mientras cu e rey a resulta Brandon Riley, Mighty Nennon cu su "Jimbe". El a yega di gana e corona aki tambe caba.

Den e hubenilnan tanto Black Shadow, John Collins cu "Responsible young Men?" y Jonathan Thiel, Biggy Boy, a duna e publico loke nan a bin scucha y cu finalmente Biggy Boy a bay cu e titulo.

Den roadmarch e competencia tabata mas fuerte y cu Jair Versprey dunando presentacion formidable di su Twist and turn como "Mighty Buddy, Platinum Boy, Pierre Casser un biaha mas demostrando cu e corona no ta leu, sea den hubenilnan of den grandinan, Chantal Quant cu sigur a briya como Queen Chanty cu su "Never stop the carnival" y Charella Lopez, Queen Char, cu un biaha mas a sobresali cu "Wind and Wave something of colour".



Chantal como Queen Shanty verdaderamente a resulta e candidata mas peligroso pa Biggy Boy y a termina como runnerup.

E corona a bay aki tambe pa Jonathan Thiel, Biggy Boy cu a presenta cu "feeling Nice" y

dunando competencia fuerte na su rivalnan cu kier a kita e corona di dje e aña aki pero no a logra e puntuacionnan suficiente.

Dialuna POPO lo bin back riba e concurso aki y su comentari-
onan.